

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

Odbor za pravdu, opću upravu i lokalnu samoupravu

Broj: 02/16-02-1984/25
Sarajevo, 30.10.2025. godine

**DOMU NARODA
PARLAMENTA FEDERACIJE BiH**

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primijeno:		30-10-2025	
Org. jed.	Broj	Priloga	Vrijednost

Odbor za pravdu, opću upravu i lokalnu samoupravu Doma naroda Parlamenta Federacije Bosne i Hercegovine, na 8. sjednici održanoj 30.10.2025. godine, razmatrao je:

1. Prijedlog zakona o zaštiti prava na pravično suđenje u razumnom roku u Federaciji Bosne i Hercegovine,
2. Inicijativa za donošenje Zakona o proglašenju grada Tomislavgrad, dostavljena od strane Općinskog vijeća Tomislavgrad,
3. Inicijativa za izmjene i dopune Porodičnog zakona Federacije Bosne i Hercegovine, dostavljena od strane Melihe Sendić, predsjednice organizacije Centar ženskih prava,
4. Inicijativa za ocjenu ustavnosti odredbi člana 169. Zakona o vanparničnom postupku Federacije Bosne i Hercegovine, dostavljena od strane Općinskog suda u Zavidovići,
5. Inicijativa za davanje autentičnog tumačenja odredbe člana 336. Zakona o parničnom postupku Federacije Bosne i Hercegovine, dostavljena od strane Zejine Muhamedagić.

Na osnovu člana 51., a u vezi sa članom 70. Poslovnika o radu Doma naroda Parlamenta Federacije Bosne i Hercegovine, Odbor podnosi Domu naroda sljedeći

IZVJEŠTAJ

1. Prijedlog zakona o zaštiti prava na pravično suđenje u razumnom roku u Federaciji Bosne i Hercegovine

Odbor je u okviru svojih nadležnosti razmatrao Prijedlog zakona o zaštiti prava na pravično suđenje u razumnom roku u Federaciji Bosne i Hercegovine.

Odbor je nakon razmatranja Prijedloga zakona o zaštiti prava na pravično suđenje u razumnom roku u Federaciji Bosne i Hercegovine utvrdio da je Prijedlog zakona pravno utemeljen i u skladu sa važećim zakonodavstvom Federacije BiH.

Polazeći od navedenog, predlaže Domu naroda Parlamenta Federacije Bosne i Hercegovine da Prijedlog zakona o zaštiti prava na pravično suđenje u razumnom roku u Federaciji Bosne i Hercegovine usvoji u predloženom tekstu.

2. Inicijativa za donošenje Zakona o proglašenju grada Tomislavgrad, dostavljena od strane Općinskog vijeća Tomislavgrad

Predsjedavajući Doma naroda Parlamenta Federacije Bosne i Hercegovine aktom, broj: 01,02-02-875/25 od 22.4.2025. godine, dostavio je Odboru za pravdu, opću upravu i lokalnu samoupravu Inicijativu za donošenje Zakona o proglašenju grada Tomislavgrad, koje je uputilo Općinsko vijeće Tomislavgrad, a aktom, broj: 01-02-875/25 od 10.6.2025. godine Izjašnjenje Vlade Federacije BiH u vezi naprijed navedene Inicijative.

Općinsko vijeće Tomislavgrad je na redovnoj sjednici održanoj 3.4.2025. godine usvojilo Odluku o pokretanju proglašenja Općine Tomislavgrad gradom, kojom je prihvaćena Inicijativa za pokretanje postupka proglašenja Općine Tomislavgrad gradom na osnovu kriterija utvrđenog članom 5. stav 4. Zakonom o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), koji propisuje da se izuzetno od uslova utvrđenih st. 1 i 2. člana 5. istog Zakona, proglasiti gradom može i općina od posebnog historijskog i kulturnog značaja.

Vlada Federacije BiH je utvrdila da su ispunjeni uslovi za za proglašenje grada koji su propisani Zakonom o principima lokalne samouprave u Federaciji Bosne i Hercegovine, te sukladno navedenom je prihvatila Inicijativu i odredila Federalno ministarstvo pravde kao nositelja izrade Nacrta zakona.

Odbor za pravdu, opću upravu i lokalnu samoupravu većinom glasova (tri suzdržana i dva za) nije podržao Inicijativu za donošenje Zakona o proglašenju grada Tomislavgrad.

3. Inicijativa za izmjene i dopune Porodičnog zakona Federacije Bosne i Hercegovine, dostavljena od strane Melihe Sendić, predsjednice organizacije Centar ženskih prava

Predsjedavajući Doma naroda Parlamenta Federacije Bosne i Hercegovine aktom, broj: 01;01/c,02;02/c-02-2416/24 od 26.11.2024. godine, dostavio je Odboru za pravdu, opću upravu i lokalnu samoupravu Inicijativu za izmjene i dopune Porodičnog zakona Federacije Bosne i Hercegovine, koju je uputila Meliha Sendić, predsjednica organizacije Centar ženskih prava, a aktom, broj: 01-02-2416/24 od 10.6.2025. godine Izjašnjenje Vlade Federacije BiH u vezi predmetne Inicijative.

Podnesenom Inicijativom zatražene su izmjene i dopune Porodičnog zakona Federacije Bosne i Hercegovine („Službene novine Federacije BiH“, br. 49/06 i 51/09), Pravilnika o uslovima koje mora ispuniti fizička i pravna osoba ovlaštena za posredovanje između bračnih partnera prije pokretanja postupka za razvod braka i Pravilnika o osnovnim elementima koje mora sadržavati stručno mišljenje u postupku posredovanja prije pokretanja postupka za razvod braka.

Odbor za pravdu, opću upravu i lokalnu samoupravu, nakon razmatranja Inicijativu za izmjene i dopune Porodičnog zakona Federacije Bosne i Hercegovine, te uvida u Izjašnjenje Vlade Federacije Bosne i Hercegovine, većinom glasova (tri za i dva suzdržana) ocjenjuje da je

podnesenom Inicijativom ukazano na pitanja koja su već prepoznata u okviru zakonodavnih aktivnosti Vlade Federacije Bosne i Hercegovine.

U tom smislu, Federalno ministarstvo pravde, u saradnji sa UNICEF-om, tokom 2024. godine pripremilo je Analizu Porodičnog zakona Federacije Bosne i Hercegovine, koja će poslužiti kao osnova za izradu Nacrta zakona o izmjenama i dopunama Porodičnog zakona Federacije Bosne i Hercegovine, odnosno za pripremu novog Nacrta Porodičnog zakona Federacije Bosne i Hercegovine. Predmetna analiza sadrži osvrte i na potrebu i mogućnosti unapređenja postupka posredovanja u Federaciji Bosne i Hercegovine.

4. Inicijativa za ocjenu ustavnosti odredbi člana 169. Zakona o vanparničnom postupku Federacije Bosne i Hercegovine, dostavljena od strane Općinskog suda u Zavidovići

Predsjedavajući Doma naroda Parlamenta Federacije Bosne i Hercegovine aktom, broj: 02/02c-1232/25 od 10.6.2025. godine, dostavio je Odboru za pravdu, opću upravu i lokalnu samoupravu Inicijativa za ocjenu ustavnosti odredbi člana 169. Zakona o vanparničnom postupku Federacije Bosne i Hercegovine, dostavljena od strane Općinskog suda u Zavidovići, a aktom, broj: 01,02-02-1232/25 od 10.9.2025. godine, Mišljenje Vlade Federacije BiH u vezi podnesene Inicijative.

Odbor za pravdu, opću upravu i lokalnu samoupravu, nakon razmatranja Inicijative za ocjenu ustavnosti odredbi člana 169. Zakona o vanparničnom postupku Federacije Bosne i Hercegovine („Službene novine Federacije BiH“, br. 2/98, 39/04, 73/05, 80/14 i 11/12), te uvida u Izjašnjenje Vlade Federacije Bosne i Hercegovine, većinom glasova (tri za i dva suzdržana) konstatuje da je Vlada Federacije BiH prepoznala potrebu za izmjenama i dopunama navedenog Zakona, te da je Federalno ministarstvo pravde već pokrenulo aktivnosti na pripremi Nacrta zakona o izmjenama i dopunama Zakona o vanparničnom postupku, kojim je predviđena i izmjena predmetnog člana Zakona.

Polazeći od navedenog, Odbor smatra da je podnesenom Inicijativom ukazano na pitanje koje je u zakonodavnom procesu već pokrenuto, te podržava aktivnosti Vlade Federacije BiH usmjerene na izmjenu i dopunu Zakona o vanparničnom postupku u cilju njegovog usklađivanja sa međunarodnim standardima.

5. Inicijativa za davanje autentičnog tumačenja odredbe člana 336. Zakona o parničnom postupku Federacije Bosne i Hercegovine, dostavljena od strane Zejine Muhamedagić

Predsjedavajući Doma naroda Parlamenta Federacije Bosne i Hercegovine aktom, broj: 02/02c-02-981/25 od 25.4.2025. godine, dostavio je Odboru za pravdu, opću upravu i lokalnu samoupravu Inicijativa za davanje autentičnog tumačenja odredbe člana 336. Zakona o parničnom postupku Federacije Bosne i Hercegovine, upućenu od strane Zejine Muhamedagić.

Članom 336. stav (1) Zakona o parničnom postupku Federacije Bosne i Hercegovine („Službene novine Federacije BiH“, br. 53/03, 73/05, 19/06 i 98/25) propisano je da će sud podnosiocu podneska vratiti podnesak na ispravku i dopunu, ukoliko je isti nerazumljiv i ne sadrži sve što je potrebno da bi se po njemu moglo postupati i odrediti rok za ispravku ili dopunu, koji ne može biti duži od osam dana. Stavom (2) propisno je da će se podnesak vezan


za rok koji bude sudu predan u roku određenom za dopunu ili ispravku smatrati podnesenim sudu onog dana kada je prvi puta podnesen.

Stavom(3) ovog člana određeno je da će se podnesak smatrati povučenim, ukoliko sudu ne bude vraćen određenom roku, i stavom (4) da će sud pozvati podnositelja da u određenom roku podnese podneske ili priloge u dovoljnom broju primjeraka, ukoliko to prvobitno nije učinjeno, te da će sud odbaciti podnesak koji u ostavljenom roku nije podnesen u potrebnom broju primjeraka.

Odbor za pravdu, opću upravu i lokalnu samoupravu je razmatrao navedenu Inicijativu i većinom glasova (tri za i dva suzdržana) zaključio da su odredbe člana 336. Zakona o parničnom postupku Federacije Bosne i Hercegovine jasne i nedvosmislene, te da autentično tumačenje istih nije potrebno.

Za izvjestioca na sjednici Doma naroda Parlamenta Federacije Bosne i Hercegovine određen je Senad Alić, predsjednik Odbora.

PREDSJEDNIK ODBORA



Senad Alić